



## TAUNAKITANGA

He wāhanga tino whaitake tō taunakitanga o tō tono. Ko te taunakitanga he raraunga kua tīpakohia hei whakamārama i ngā tutukitanga o tō rōpū me ngā pānga ki ngā ākonga.

Me whakaatu ā koutou taunakitanga kia kaingākau ai ngā Kaiwhakawā. Whakaarohia ngā momo ara auaha hei whakaatu i te pānga o tā koutou kaupapa ki ngā ākonga, ngā kaiako, ngā mātua, ngā whānau me te hapori whānui.

Kei roto mai pea i tēnei ko:

- Te raraunga (pērā i te taetae mai ki te kura, ngā arotake ERO, ngā hua o ngā aromatawai)
- He ripanga, he kauwhata hoki
- Ngā atahanga
- Ataata (tirohia ngā [Entry FAQs](#) mō ngā kōrero)
- He taunakitanga hei whakaahua i te rerekētanga o te taiao kura
- He taunakitanga hei whakaatu i te whakaanga mai o te hapori
- He taunakitanga hei whakaatu i te pikinga oranga o ngā ākonga
- He taunakitanga hei whakaatu i ngā painga i puta mō te hapori whānui o te kura.

### 1. Ko Te Ara I Whāia

Me mātua whai kia mārama tonu te hononga o ngā pārongo taketake, ngā raraunga me ngā taunakitanga nā koutou i whakakao mai mō ngā panonitanga, me ngā mahia i whāia hei whakatutuki i ngā huanga.

Me whai anō kia kitea e ngā kaiwhakawā i tīmata mai koutou i whea, ā, i tae atu hoki koutou ki whea, arā, ko te ara tērā i whāia e koutou.

### 2. Ngā Mātauranga me Ngā Mōhiotanga

Kaua e hoatu ngā raraunga taketake hei taunakitanga – kimihia ngā māramatanga, hei whakaatu i te pānga mai o tā koutou i mahi ai ki ngā tutukitanga a ngā ākonga, tae atu ki ngā huanga pāpori, ahurea hoki.

Whakaaturia ngā raraunga mā te ara e tika ana mō ā koutou whāinga, pērā i ngā ripanga me ngā kauwhata.

### **3. Te Whakaatu Panukutanga**

Whakaaturia te panukutanga i taea e ngā ākonga i roto i te huringa o te wā. Hei whakaatu i tēnei āhuratanga, me whakaahua i ngā huanga i oti i a koutou i waenga i ngā wā e rua.

Mō ngā kura, he pai kia whakaatu i tēnei āhuratanga mā ngā tikanga aromatawai ā-motu, mā ngā tohu rānei. Mō ngā ratonga kōhungahunga, ko ngā tohu te tikanga pai. Mō ngā kura, he mea pai te whakaatu i te āhua o tēnei kauneke whakamua te whakamahi i ngā tātaringa pānga – rahinga.

Tērā ka hiahia koutou ki te whakaatu i te rarahi o ngā nekehanga i ngā huanga kua oti i ngā tamariki me ngā taiohi mā te whakamahi i ngā tātaringa pānga - rahinga. Mō ētahi atu pārongo e pā ana ki te whakamārama, te whakamahi, te whakatau i te rahinga tika mō ngā kura, tirohia [Education Counts — Effect Sizes](#).

Ahako te tikanga e whakamahia ana, ka hiahia tonu ngā kaiwhakawā kia kite he pai ake ngā panukutanga i tērā i whakaarohia ina kāore tēnei ara i whāia.

### **4. Te Whakataurite**

He mea tino whaitake te whakaatu i ngā nekehanga o ngā akonga i ngā āheinga, ngā waiaro me ngā āhuratanga ako.

Ka taea ēnei pikinga te whakaatu mā te whakataurite i ngā āhuratanga o muri me o muri. Hei tauira, "i te tīmatanga he pēnei ngā mahi a ngā ākonga i te reo matatini. Ināianei he pēnei kē te āhuratanga (arā ka pai ake te kounga) i te reo matatini".

### **5. Ngā Kōpaki**

Ko ngā kōpaki e whakaatu mai ana i te panukutanga he tikanga pai mā koutou hei whakatakoto taunakitanga. Me whai kia mārama anō te wāhanga i tutuki ai te panukutanga, te rahinga me tōna hiranga ki ō ākonga. Ko te hiahia ia o ngā kaiwhakawā kia kite i te arohaehaenga o ngā raraunga.

### **6. Ngā Puna Kōrero Maha**

Ina kōrero ana koe mō te pānga mai o te kauneke whakamua (arā, ki ngā āheinga me ngā āhuratanga) whakaarohia ngā kōrero mai a ngā ākonga tonu, ngā kaiako, ngā whānau, te hāpori, ngā Kāhui Ako me ētahi rōpū atu, ngā huinga, ngā kōtuinga rānei i mahi tahi ai koutou.

Kia tika anō hoki te whakaatu mai i ngā puna kōrero ā-waho me te whakauru kupu tautoko ki te tuhinga ake, waihoki, ki te rārangi tohutoro.

## **7. Te Mahitahi me Ngā Huanga Pai Ake**

Ko tō take wānanga he kōrero mō te hapori kei reira e mahitahi ana ngā kaiako, ngā kaitiaki, ngā tumuaki, ngā ākonga me ngā whānau kia angitu ai ngā ākonga.

Whakaaturia te ako me te panukutanga kua taea anō e ngā kaiako, ngā kaitiaki me ngā kaiwhakahaere. E hāngai ana ngā wāhanga 1, 4, 6 i runga ake ki tēnei take.